

In pyrenæo monte *Laurenti*, valleque *Eynes*. Radix equidem præmorfa crassa fibris longis obvallata, odora, obliquè sæpius defixa. Caulis cubitalis, basi coloratus, è medio ad apicem ramofus, striatus. Folia radicalia ovato-lanceolata, acuta, utrinque hirsuta, ad nervum præprimis, glutinosa, basi dentibus acutis majoribus sinuata (pro more *Hier. pulmonarie*), flavescentia, etiam odora, ad apicem integerrima. Petioli latiores alati, pilis albis longis barbati, purpurascetes, vaginantes. Folium unicum caulinum, cæteris multò latius majusque, in medio caule ex origine rami prioris, cordatum, amplexicaule, basi denticulatum, & ferè hamatum. Folia ramea integra oblonga vix semi-amplexicaulia. Rami corymbosi pauciflori. Pedunculi uniflori, pube cinerea pilisque globuligeris glutiniferis undique tecti, instructi squamulâ subulatâ unâ aut alterâ paulò infra florem. Calyx foliolis acutis hirtis ad carinam præfertim, laxis, angustis. Corolla magna.

β. Hæc cum priori varietate crescit; ratione loci udi, varians foliis solummodò glaberrimis (nervo carinali excepto) vix ac ne vix quidem dentatis; & folio caulino magis elongato, adeoque facie *Hier. cerintoid.* ut non mirum, quod huc referri posse, crediderit *Clariss. Hallerus. Emend. 3<sup>a</sup>. Num. 255.* quod ipse meliùs consultus separavit (*Edit. 2<sup>a</sup>. Num. 36.*) fassus ad *Hier. cerinthoides* accedere proximus. Cæteroquin Varietati priori α omninò similis est.

γ. In pyrenæis ad sylvam *Salvanele* descendendo ad pagum *Roquefortes*, inter elatiores rupes oritur. Huic caulis paulò humilior. Folia omnia angustiora; radicalia triuncialia quadriuncialiave vix semi-unciam lata, in petiolum dentatum abeuntia, ad apicem usque dentata, hincque vix proprio innixa petiolo, & à varietatibus prioribus (primo intuitu) longè discrepans. Rami tres, vix fessquiunciales, uniflori, biflori. Cæterùm ex toto cum prioribus α, β, congrua.

7. HIERACIUM, foliis argutè dentatis, radicalibus lanceolato-oblongis acutis, caulinis sagittatis oblongis, pedunculis unifloris, calycibus pilosissimis laxis. CONYZÆVOLUUM.

Hieracium, foliis oblongis lanceolatis hirsutis ferratis, calycibus villosis. *Hall. Edit. 2. Num. 40.*  
*Crepis, sibirica, (γ) Linn. Sp. 1135.*

β. Hieracium alpinum asperum, conyzæ facie. *Bauh. pin. 128.*

Hieracium pyrenaicum (E). *Linn. Syst. nat. pag. 524.*

Et forte ejusdem varietas β. *Linn. ibid. pag. 523.*

Hieracium Britannicum quartum. *Clusii Hist. 2. 151.*

Hieracium montanum latifolium Genevense, folio conyzæ majoris monspessulanæ. *Bauh. Hist. 1026.*

Hieracium montanum latifolium glabrum. *Bauh. pin. 128.* Sed villosum; ita *Scheuchzerus Tom. 2. pag. 326.*

NOTA. Nequit Crepidibus sociari. Habitu à *Picride pyrenaica* & *hieracioides* non multùm dissentit; differt abundè tamen foliis omnibus minutim dentatis. Folia caulina sagittata valdè, auriculis acutioribus; idque ut in *Icone Moriffeni Sect. 7. Tab. 4. Fig. 11.* licèt ad aliam pertineat, seu ad *Crepid. sibiricam* *Linnæi*. Pedunculi longi, uniflori, apice (seu infra florem) tumidi, pilosissimi, destituti squamulis vagis; hinc à *Picride pyrenaica* diversissimum! Calyces ovati, pilis atris undequaque obvoluti (non autem ad angulos carinales tantummodò) imbricati; squamis laxis. Pappus pilosus sessilis.

Descriptiones ab *Hallero*, *Scheuchzero*, *Baubinoque* traditæ de cætero consulendæ, utpotè accuratissimæ.

### CREPIS.

I. CREPIS, foliis runcinato-pinnatis hirtis, petiolis dentatis. *Linn. Sp. 1133.* FORTIDA.

α. Hieracium, foliis cichorei sylvestris villosis, odore castorei. *Mag. Bot. 129.*

Hieracium luteum cichorii folio, amygdalas amaras olens. *Moriff. 3. Sect. 7. Tab. 4. Fig. 4.*

β. Hieracium, foliis pinnatifidis, hinc hastatis, pedunculis nudis longissimis. *Gmel. Sib. Tab. 8. Fig. 1. Optima. Pag. 22.*

NOTA. α. Planta ubique in Gallia Narbonensi obvia, immentè varians; caule palmari, cubitali & hirsutissimo, aut vix piloso; foliis ovatis integris, aut altè pinnatifidis, crosisque. Sed radice odorem bituminosum, aut amygdalas amaras redolente, à cæteris dignoscitur.

β. Speciosissima varietas in pascuis circa *Campestre* Annis 1766. 1767. à me lecta. Quam licèt ad *Tabulam Gmelini* retulerim, dubitabam de Specie *Linnæana*; odore dein, Anno 1768., & seminibus in horto fatis, certior factus fui de varietate *Crepid. fetida*. Ipso consentiente *Clariss. Linnæo* in Litteris, ad squamas & pubem calycis attendente.